

- 1' Wer sich vff gwalt jm radt verloßt
- 2' Vnd henckt sich wo der wynd har bloßt
- 3' Der selb die suw jnn kessel stoßt

Kap. 2



Von guten reten.

- 1 Vil sint den ist dar noch gar not
- 2 Wie sie bald kumen jn den rot
- 3 Die doch des rechten nit verston
- 4 Vnd blintlich an den wenden gon

5 Der güt Cusy ist leyder dot
 6 Achtyofel besitzt den rodt /
 7 Wer vrtejn sol vnd raten schlecht
 8 Der dunck vnd folg alleyn zů recht
 9 Vff das er nit eyn zunsteck blib
 10 Do mit man die suw jn kessel trib
 11 Worlich sag ich es hat keyn fůg
 12 Es ist mit duncken nit genůg
 13 Do mit verkürtzet würt das recht
 14 Es dōrfft das man sich baß bedecht
 15 Vnd witer fragt / was man nit wust
 16 Dann würt das recht verkürtzet sust
 17 So hast keyn wōrwort gegen gott
 18 Gloub mir / für wor es ist keyn spott
 19 Wann yeder wüst / was volgt har noch
 20 Jm wer zů vrtejn nit so goch /
 21 Mit sōlcher moß / würt yeder man
 22 Gemessen / als er hat gethan
 23 Wie du richtst mich / vnd ich richt dich
 24 Als wirt er richten dich vnd mich /
 25 Eyn yeder wart noch synem dot
 26 Der vrteil die er geben hat
 27 Wer mit sym vrteyl bschwāret vil
 28 Dem ist gesetzet ouch syn zyl
 29 Do er eyn gwaltig vrteil fyndt
 30 Der steyn der felt jm vff den grindt
 31 Wer hie nit halt gerechtikeyt
 32 Der fyndt sie dort mit hertikeyt
 33 Keyn wißheyt / gwalt / fürsichtikeyt /
 34 Keyn ratt / gott wider sich vertreyt

14 dōrfft *GW5046 GW5047*] durfft *GW5041* 29 gwaltig *GW5046 GW5047*] gwalttg *GW5041*